



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Capvt LXXV.

urn:nbn:de:hbz:466:1-11261

Ochsenhusium, in Suevia.

Est in Suevia quoque Ochsenhusiensis Abbatia, duobus milliaribus à Memmingiano, totidemque ferè à Biberaco sita: cuius primi fundatores ignorantur. Fuit olim non nisi Præpositura, à S. Blasij monasterio in Hercynia filua dependens, sed anno 1420, facta est Abbatia libera & à S. Blasij iugo prorsus exempta.

Anno 1540. totum cœnobium in corporatum est, ut loquuntur, Episcopatui Constantiensi.

CAPVT LXXV.

Augia maior Germanicè Reichenovv ad lacum inferiorem, in d. Constantiensi.

1098.

Illustris hæc Abbatia, olim vtriusque sexus, nunc solummodò monachorum, fundata legitur anno Christi 1098. ab *Udalrico Rhetorum & Brigantiae Comite*, templumq; dedicatum est ab *Ulrico Constantiensi Episcopo*. Fuit hoc monasterium exemptum, nunc verò Episcopatui Constantiensi est incorporatum. In Augia maiore quiescunt reliquiae *S. Marci Euangelistæ*, Venetijs eò aduenientæ ante annos sexcentos: ut tradit *Io. Pistorius* in Chronico suo Constantiensi. itemque *S. Pirminij* huius loci Abbatis, ut idem commemorat.

Alba

*Alba Augia Narcoſtorum aut potius Norici,
Germanice Vveiffenavv im Nordgevv,
in diœceſi Bambergensi.*

Fundatum legitur hoc monasterium anno 1053. à Gebhardo Comite, qui Eistetensis Ecclesiæ Episcopus, ac tandem post Leonem IX. consanguineum suum, Romanus Pontifex factus, Victor I. cognominatus est.

Postea anno circiter 1130. quasi post liminio renouatum atque ampliatum est à S. Otthono Bambergensis Ecclesiæ Episcopo, Pomeranorum Apostolo. Ita Bruschius lib. de monasterijs Germaniæ.

Est & Alba Augia Sueviæ, hoc est Album Pratum, siue ut alij vocant minor Augia vulgo die Minderovv, magnificum ordinis Præmonstratiensis monasterium prope Rauenspurgum opidum Imperiale, de quo vide chronicon nostrum Præmonstratense.

Augia diues, vulgo die Reichenovv, monasterium amplissimum in insula fundatum est circa annum 724. à Pirminio Episcopo Meldensi eiusque loci primo Abbe, auxilijs Caroli Martelli: ad quod non nisi Principes, Comites, ac Barones olim admitti solebant. Ceterum Abbatia ista Constantiensi Episcopatui est incorporata circa annum 1544. consentiente Romano Pon-

1053.

724.